



光緒甲午九月

西湖游詠

楊學洛署

得

八千卷樓梓行



光緒甲午九月

西湖遊詠序

夫山嶽者峻削太冥非國聚之全服崇奠隅幕非閭

市之喧境言日月則環朗甲子之外寧車馬之塵途  
語麟鳳則覽集瘳弋之表豈榛蘿之近止況乎靈盤  
秀拔可以培特介之操澤闕紀帶可以相弘覆之業  
雲煥霞敷可以映文章之藻出釀玄漠之蘊處固韜  
虛之德迺知丘園之寸陰信邁濁泆之畢歲矣省曾  
恭遭明聖之朝頗希濟經之效然蘿壑多懷志常沉  
菀蕭齋積疚深絃結犬馬之齒日消丹藥之營靡

西湖遊詠序

一

息編披安策誦興獻補之思鏡理槁形歎非廊廟之  
器是故袁安困臥門寡啟雪之賓徐穉淪窮心無下  
榻之望亦鑿濫交無益瀆與恒羞所以三徑陸沉一  
瓢偃蹇委躬芝朮甘分蓬蒿嘉靖丁酉之冬豫陽田  
子佩符方伯返鷁長安爰爨熾昌亭脊焉瞻近頃談小  
答遂洽如蘭由是渙爾遺形樂然确几相與究道德  
之淵極述鉛槧之歸肯標恬損之獲祉陳金玉之招  
患莫不拊掌怡襟愛爲詮石自是穆音胥贈久要不  
忘況我田子粹德無雙清識難尙少探四部耀組二  
京白署展雷電之能禮曹表直清之采拱土宗則冰

鑿有融握憲旌則王章載炳厲躬廉約宛擬范宣出  
矩雍容卓如周顛事親竭孝鄉欽長豫抒文蔚麗士  
頌平原體詞縱實肆武建安出響陶和追蹤大雅所  
以遂成君子之交永締林中之分推誠有缶前接李  
荀談對遺筌上偕彪敏迺於杪歲期我西湖是地也  
界吳越之要區總江海之轄會宋都雄輦昭代名藩  
岫嶂疏開屏巖邇疊象宇錯麗於洞敞靈僊恍惚於  
奧府峙流映發水木清華浮浮蘭漿眾勝俱歸策策  
金筇羣奇莫掩三芝可掇六龍宜觀況乎不煩褻躡  
之勞而可究攀躋之事不疲登振之力而可展矚眺

西湖遊詠序

二

之情于是春冠有來珠林廼寓並攜彤管駿討青山  
襟慮俱忘軀骸盡釋意之適暢則復棧皆凌衷之嘉  
嗜則詰屈咸度嶽靈百勢川后千殊麗音鳥唱遺我  
以玄解之弄桃華李瑩照我以妍菲之色淙飛澗折  
滌我以德善之流樵嬰漁老無機械之飾灰禪槁羽  
靡羅陷之腸所遇皆玄都歸敘寫無觀不妙罄述毫  
端由是綴在娛心詠非媚物調惟神發無片詞之杜  
鑿言以核領何一文之妄屬如花芳足吐靈靄滿世  
理王則連翩而摛意疲則靜泊以俟是以追衲匝月  
鋪撰盈緡若玄造以蕩廣而幸生籌算以無情而運

數經緯地德錯縱淵圖陸金屢奏播錦叨媿雖似雕  
模未嘗點定攬集倡和共得古詩三十八首加以國  
彥彬彬家希周漢鄉英謫藹族重風騷聞茲勝集皆  
有賞言田子迺付刊流以代傳寫于時此邦臺司建  
平章之化郡牧布愷悌之政峻農康謚草木光熙所  
以蘿薜之人非承夏屋之響亦遂逍遙之樂矣不然  
則勞擾之俗煢蹙之氓非所樂觀矣豈能淹遲三月  
賁緝羣章以陶羈旅之況哉展哉熙皞之土迺求志  
者之所安棲也梓事旣登聊綴爲序嘉靖戊戌三月

朔

西湖遊詠序

三

西湖遊詠  
錢塘田汝成  
黃勉投贈五嶽山人黃勉之一首古今人集詩

錢塘田汝成

謁帝肅秋覲沿牒返南紀祗役徑名都親賢款仁里  
壇地遠囂塵衡門結華軟絃歌振前榮芝蘭夾後祀  
伊人特高妙符彩夙秀峙六藝綴芳蕤五冬飲玄髓  
蓄德媚珠懷摘詞爛雲委巧速仲宣如工遲長卿似  
散帙解人頤抽毫屢予起虛往實以歸室遠道仍邇  
識面慰素欽卜隣迨今履

答贈豫陽方伯田叔禾一首

西湖遊詠

吳郡黃省曾

懷風道曠熄詠性和恒寡遐鳳擊霄萬細鷄玩蓬下  
作軌方沓迷天府吐茲假之子振擣藻揚籟排泉冶  
絃冕效貞矢山水有清寫儀吉光漸鴻襟遠銷害馬  
懸遲迨頑薄旌屨戾衡野伯琴感初揮嵇林悅新把  
眇眇言鶩玄彬彬意凌雅永好在報章援翰此欣灑  
諸帝寄贈勉之一首

錢塘田汝成

溟渤長百川攝提紀羣曜玄覽縱古今達人秉樞要  
光儀表人倫藻謨華名教尙絢問逾榮粹茹賢孤邵

伊余昉沉冥自牖延靈照抱素寡泛儔當途眷高蹈  
慕蘭神屢交攀嵇懿初紹傾蓋結綢繆披襟領徽妙  
墳素恣奇搜蓀蘭從夙好六蔽行已蠲三益誠知樂  
短札媿李投晤言冀瓊報  
陶邀迨冬暮義途無弭節天澗馳凜廳齋墟颯清雪  
惜古心糾繚懷朋神越裂我友枉章賦伊予抒歡愜  
歌永感華展款風羨奇結雅藻非兩驅騷英迺均轍  
闖風升遠遵瑤華寓芳折四始述不歧二曜名與挈  
南邁武林訪叔禾踐湖上之約初至一首

黃省曾

西湖遊詠

二

寢痾揮北轅樂至縱南樾天倪寡有迫空谷靡所制  
寸心勞上賢千里訪密契濶若訊已夙明如掇何滯  
需川涉元朝旅次乖佳序已至懷尙忡未遘歡猶翳  
昔寐愁曠夕興視愉星曙匪感氣候變所覩山水霽  
肅冠舫艫閒抽想曠清處呂駕旣在茲賀琴庶當遇  
燕肅喜勉之至答贈一首

明余初武長自嗣取靈開遊樂友田汝成

甘藟渥青郊條風汎華薄江梅談餘英墟桃紅始萼  
荷鋪理泉源疏畦菽芸若治志屬雲岑揚衡俯塵郭  
存故眷蘭交成言締金諾未諗發軔期俄枉稅駕作  
倒屣展緘魚巡簷欣報鵲神往身已空顏披意彌廓  
洩洩情兩融蘧蘧形外略訪戴返無虛御李居匪索  
何以永綢繆維駒賴場藿

寓大石佛院綠竹北軒一首

黃省曾

矯仲偃崖室禽慶謁名嶽敕事澹無役行泥何不樂  
暖春振霄褐崑境躡雲屨性冲駕奧林神夷選清壑  
于此綠篁陰乃有金園閣南湖晃縈滄北嶺迤縣絡  
霽懷對禪解玄心弄鳥雀萬物覽參坻一得觀並作  
息宴頓遊轡琴書聊爾託

西湖遊詠

三

同詠一首

田汝成

禪關信窈窕飛軒結層岑紅泉瀉靈液綠篠屯幽陰  
登樓有高眺窺園亦近尋我友蘊眞賞晤言偕宿欽  
遊神隘八極斂迹依雙林慮泊求罕固思玄物詎侵  
虛嘯撰危策陶和賴孤琴慧日朗虛牖祥飈襲冲襟  
遺榮賁高趾親仁息長心斐亶發衆難鏗鏘劇賡吟



機忘狎魚鳥道在蔑纓簪

叔禾枉輿湖上便同理棹尋南山下淨慈寺

乘甘野風

黃省曾

隱才抗貞步達屨存同調琴瑟心旣開登捫輿茲掉  
浼浼北湖厲窈窕南山眺雙情交遠襟晨論皆清詔  
蘭陽佐騰羽翠阜延興嘯靈紀倏攀仰表刹在瞻造  
金軀儼峩容寶宇廓層嶠五藥懸采掇入正期精邵  
虛林琅法鼓茗木鳴芳翮遨衷未云已盤徊盡西照

同詠一首

西湖遊詠

四

田汝成

逸軌鮮希蹤清襟歛同貫良覲願已酬沉憂緒滋渙  
幽討方撰辰薄邀因穀旦蘅汜蕩纖颺蘭橈漾澄瀾  
芊芊煙樹紛繹繹冰魚汕北阜阻朝躋南屏延夕盼  
鷺嶺縵參差龍宮鬱輪奐大覺稔前聞諸天豁雄觀  
七淨析玄宗六塵洞浮幻明心映玉輝粹語連珠粲  
乘日獲所偕盤桓諒非漫

遵玉岑山高麗慧因寺由六橋步歸一首

黃省曾

插衽方巍上挈舟仍輿驚語語豈憚酬觴觴忽申暮

遇物皆陶悅睇佳溘淹駐瑤英攬南岑金書展東庫  
五衍排冥筮三危攝淨住夕漢無遲晷昏林溢飛霧  
騰波拒前楫響颺改還路遊舫集渚歛浴鶴泳濤沂  
帶麓循返蹤縈芳引蹠步倘匪躑躅遊安能表高悰  
同詠一首

危岫擁嶇嶇輕裾恣超軼遠眺幽蘊舒近矚麗景密  
丹厓望騁窮玄門瞻儼卽貝牒衍三車珉經閱重譯  
法相觀象龍高談錯儒釋奧奧擬采披扶光忽飄匿  
草草風栗留滃滃雲蒙冪枉渚浪西頽環洲棹東尼

西湖遊詠

五

引屨回徑餘行吟餘賞適迢遞陟飛梁徙倚憩磐石  
步雅體仍和神王心逾逸微尙易爲盈良遊難可述  
登巨石山絕巘緣葛嶺小憩山居蘭若一首

黃省曾

裘糧適湖奧蘭春際初月良友林中欵珠談物外愜  
神遇咸滿志遊情詎云歇交臂非塵把觀境有妙躡  
踐岑蘿易援躋岑階屢絕嘖屹瞻上峯欵巖顧下嶻  
南俯城郭攢東覽江嶼豁虛颺發靈響高雲增秀結  
謝賞共巖阿孫眺窮嶺折况遘驂羽蹤可以步芳哲

同詠一首

信宿託湖裔，倘佯迨春熙。嘉招荷惠友，幽尋挾名縑。  
牽蘿越玄澗，攀桂凌丹梯。峻嶺紛上千，奔厓儼東馳。  
天清識海樹，沙明辯江湄。曲阡迴綺錯，蹲厓歷星離。  
崢嶸攝仙骨，翩翻弄雲涯。稍憩繹前美，長謠屬後奇。  
巖芝絢月彩，石蒲挺瓊蕤。采采滿襟袖，喟焉罕所遺。

由段家橋堤步至孤山上一首

黃省曾

少有巖壑性，世羅不可移。心駭雲臺宅，願逸霞林居。  
晨興詠邁軸，春賞下招提。凌湖散幽趾，屬島登青梯。

西湖遊詠

六

今我非昔萼，新宮仍往基。時澗出中浩，列嶂環衆奇。  
蕭榛惻墟隴，高尚企襟期。玄厓錯澄流，朱緯雜芳吹。  
龍盤天海愜，鳳遠羅罽宜。景爾徵士蹤，寫唱感脚躄。

同詠一首

田汝成

登臨與初厲，暄霽情益牽。循芳疊躡履，遵渚藹隨肩。  
左右披杜蘅，表裏玩風漣。藉草蹇翠幕，依欄遲紅舩。  
流盼匪物誘，會意迺冥筌。卓犖偶今侶，幽貞懷昔賢。  
誅茅孤嶼側，息影槁梅前。鄭谷似窈窕，嚴灘類潺湲。  
弱齡尚有適，晚歲賞無愆。丘中反初服，脫屣此盤旋。

紫霞月夕挈酒湖畔寓目一首

黃省曾

逸體貴行和閒趾悅佳就澄舒光始半華條滋兆茂  
乘暉謝燭秉頌德引盃奏寂謐輟空籟微冥冪朝秀  
際嶼霧浩屯彌湖星朗覆靈皋寫長堞澹水影羣岫  
妙志不遑寧玄覽從茲究理等古豈遐神避今非後  
懷玉聊以娛委鳥詎云繆載詠前哲言身聖超宇宙

同詠一首

田汝成

遲日永翱翔縞夜復繾綣把酒對平川駢筵俯清沔

西湖遊詠

七

離離星匝天亭亭月登巘秀彩凝可餐囂塵蕩如洗  
草際露華鮮花閒風力婉物色旣澄妍笑言此申展  
閱世感化遷居常謝累遣授簡思俱玄登樓興誰淺  
徘徊人境迷想像天路緬何當凌紫氛乘鸞共流衍  
謁鄂國武穆王廟宮一首

黃省曾

嶠城託湖澳丹宇綴山陽展止已切愉停挹忽濡裳  
百六邁傾朝四七擁惟良武烈誠希代國士展無雙  
師尹蕩友紀榮夷糾皇綱遂使汗馬雄反蹈屬鏤殃  
紫垣蔽滔詭燦闕恣遊荒妖溷駑穢甘介狄踰濼志

嬰伏迨忠賢，囂怨恫多方。一胥曾顯吳，匹尹亦興商。  
孰云宋錄燼，不在岳氏亡。荃宰旣先撥，宗稷安可長。  
聖世欽往才，歲奠炳今章。哂彼俄頃榮，孰與萬祀光。

同詠一首

田汝成

宋造昔云季，胡風日南馳。嶠函旣灰燼，伊洛亦丘墟。  
賢豪應時出，當天錫英姿。束髮秉旌節，鑿垣厲熊羆。  
一校摧日逐，先聲警月支。列郡樹質館，遺民佇官儀。  
蠅營譖何潤，筌心怒方儕。勒社勲未策，賜鑄遣已隨。  
闔門伏忠憤，明義咸不虧。英魂搥北漠，宰木矯南枝。  
懷賢思儼若，撫景益淒其。楚蘭曾殞屈，吳詬亦殲胥。  
名高迺招毀，威震坐生疑。扼腕每自昔，沾纓非獨茲。  
循宗鏡閣左，登南屏山頂。披險西討一首

黃省曾

迴山肖郭郭，佳秀蕩遊心。北棲憊不足，南峭引遐尋。  
摘雲生新彩，響鳥變蘭音。浴灑出霄瞰，表裏盡高臨。  
情來暢無際，奇湊領不任。攀崇復希峻，在窮重懷深。  
前探後麗掩，左越右瑋沉。湖狀改遵嶺，煙華異觀林。  
樵人時諗蹊，仙陬屢憩陰。但可寄冲想，聊復弄丘琴。

同詠一首

聊浪已浹辰次第極奧賞潛棲神鬱伊高筵性陶朗  
磴棧絕黃緣厓館忽躋仰萬壑遞雲屯雙峰對霄上  
妙覽匝四隅璋觀集西壤餘霞散浮綯高颺驟清響  
陽阜挹春暄陰谷參秋爽已訝樵徑迷時睇鹿町往  
景觸咸內任情融非外獎藉此淑營魂沖襟庶殊曩  
一入大慈山飯虎跑泉精舍一首

黃省曾

崖行多優遊穹窿但亭午倚墟心不厭跼躡意增愈  
疏甸分花應層阜別雲吐疲足休給林澄心投象宇  
一  
藻瀉淙瑤瀨隈隅麗丹廡七覺啟幽扁一道界盤塢  
不謂此山椒乃有彼岸侶芬溫瞻戒香絡繹會宗語  
法供豈世調靈餐異塵脯往牒稽聽龍昔泉酌跑虎  
一謳傲自足萬細何足數

西湖遊詠

九

同詠一首

田汝成

足勝豈知疲逢怍忽思憩杳窅松徑紆緯繡煙蘿翳  
琳宇謝埃紛珠泉吐靈秘靜勝欣所投情深失初詣  
玄沉析朝醒青精飯哺僮身同罔象遊世與羲皇契  
暮色更明佳予心益先霽落日淡林端歸雲泊山際

亭亭野鶴孤矯矯冥鴻逝幽悰歛有諧疇能辯真意  
巖巖眺初陽臺從妙智院北探紫雲洞一首

黃省曾

登登俛陽臺曖曖覲羲燭停爾絕勿巔娛我芳春日  
蓬蹊覺宛轉皎鏡眺迴復抗策凌煙虹披夢扣扁屋  
巖梅皜冬素山篁團故綠敞窗迎遠心緬閣寄孤躅  
玲瓏投廓洞峭嶒下空曲法館展虛綴迷覽皆妙屬  
討顏佇茲開賞心於此足哮豁宜考槃期當寓清築  
此與同詠一首

田汝成

西湖遊詠

十

高臺軼浮璫初日炯流光振衣躡玄嶠晞髮從朝陽  
化城繞竹罇枉術披榛荒巖扉藹雲構林幄褰霞張  
拂石掇流乳撫松截凝肪身殊三避隱心遠六鑿攘  
逸取尙平擬遊獨康樂方排綜澹無擾屏從寡所將  
遐袞極睹記幽緯悉張皇遠度匪云慕聊以終倘佯  
自石屋洞至法相寺一首

黃省曾

性分各有極脩意江海上採藥仍景臺顛老廻希向  
披情樂林草夙駕遨雲嶂陽岫方緬觀陰崖載虧望  
壁闕時竦怖洞闌恣登降覺路馳訪蹤開士禮趺相

形忘躬有蛻理止神非喪承泉代綆汲託基排壘枊  
安道志豈渝興公懷自亮沉冥常內足高寄無所讓

同詠一首

田汝成

曠志憶逍遙勞歌厭囚窘縱壑媚春鱗薄霄愧秋牟  
隘彼方內遊夙此塵外軫每挹山水輝都使名利盡  
煙樹杳芊緜雲峰互虧隱崖屋已靜便祇園復恬引  
金輪相自圓玉鏡光猶蘊沉照爛靈根依方獲玄準  
理會得有充神開暢無朕雖牽纓組心亦免巨壑嘔  
並南峰後攀風篁嶺酌龍井泉覽神運片雲二

西湖遊詠

士

遊石一首

黃省曾

旭輿繚金灘晨塢采綠闕寥閭靈異鄉荒助逯淪轍  
穹林隱天崇紆澗灑流折中屨都澹清耳目亦瑩澈  
瞧升攬英穎倅止軼埃壻風篁佇新鬱龍泉飲古滌  
蕭樓始一躋妙石得雙闕霄中仙掌抗霞裏片雲揭  
迹闕丹鯉藏事往銀簡滅恨不總義轡處此玩恬悅

同詠一首

田汝成

遊鞅每迫隨茲辰獨超忽逸思與騰馳希蹤逮塵絕



君遲脰已俏我覲心纜豁冉冉軟浮埃翩翩厲層磔  
風篠聆淒清龍湫挹寒冽高閣倚重阿異石瞻雙碣  
壁立迺神驅華凝殆天設行看西日暉坐送歸鴻滅  
卽境境已奇循情情更別信美豈異鄉吾廬庶堪結  
與世發湖音樓峻崖西越永清鳴獅子峰上一首  
五韻嶽澤重風泚賦鸞觀景益高黃省曾

睇阻謂有窮詵高云可達翦削何當上冥昧且茲發  
天表旣排度山野遂侈瀾新禪宅杳窅古隘際閭闔  
松莽非人寧芝秀有眞掇聳崖愕四矯潮江貽兩匝  
緯帶萬畛殊煙雲千里合歸乘中谷風蕭條感林嵐

西湖遊詠

三

蘇詩同詠一首

田汝成

望望入名山行卽佳境日永思俱遲地邇遊堪并  
霄外凭飛櫺雲端度懸磴鹿苑息蕭騷獅峰閱雄勝  
江暄樹影重風疾潮聲勁霽景益高朗清暉互窺映  
身世欲兩忘眺聆亦交瑩玉度媿良濟瑤音振宸詠  
樂道匪清狂宅心屏華競眞想安所期濠梁緬同興  
望立出谷口循澗歷三竺寺徑神尼舍利塔觀飛來

風翁領峰諸洞一首

黃省曾

蔣蔣降山口迴迴厲澗潄連絡五峰奧綴抱三竺林  
閒清履化國脫落諷竇音都泯塵惑相拭寫纏倒心  
頭陀遣玄侶了苦寓丹岑巖扉瞬爾隔洞府倏在臨  
外擁壘折裂中虛啟委深崿窗非斲設窅奧豈端尋  
卽睽宛光怪歷仲駭森陰信矣仙靈治故非世所任

同詠一首

田汝成

晨策陟陽椒歸輿順陰麓澗澗咽哀淙松松振新沐  
岩巖列五峰宛轉攢三竺隻履緇昔還植錫崇今築  
珠林仙梵悠桂殿慈香郁始至身若空稍深情愈屬

西湖遊詠

三

扁屋窮然通虛窗沃如斲法相儼峨瞻毫光炫遙矚  
五穢淪蓬心八解醒蒿目從此晤神功歸依戀三宿  
上北高峰頂四覽從靈隱山下憩韜光庵深處

一首

黃省曾

半陟神已慄極振目逾眩分野炤可指山雲詎能辨  
藩周縣界絡江末海光見松表聽叫清崖閒羽棲宴  
東月已吐暉西驪將隕絢創觀世可遣薄返情猶眷  
翠微構翳隱初春沃葱菑餐霞晒他晚遞谷矜我先  
物軌諒有齊意適無所羨逍遙嗣永言抒心布朋彥

同詠一首

田汝成

羣阜鬱嵯峨茲山特孤矯側跼魂屢驚中坐神猶掉  
身同鷓鴣毳微路出羊腸繞冷冷風御輜奕奕雲乘藐  
隱賑邑里攢廓落江湖小圓躍迫西溟方暉嗣東沼  
邃宇結雲倪初衣稅松表寸晷卽沉淪百營盡清悄  
良辰苦蹉跎勝事憚空杳載筆歌永言陳迹庶堪紹

西湖遊詠終

西湖遊詠

十四

西湖遊詠後序

錢塘田汝成撰

夫登高侈賦者表大觀之雄懷釋戀冥揆者顯通玄之雅致是以仁智之性山水爲娛文武之道張弛迭用自古蟬蛻之彥豹變之英鮮有不託慕雲霄放情巨壑者也雖然濠梁之樂必莊惠而偕蔣徑之蹤非求羊莫儷何則披襟領契知已良難況乎方駕詞場連翩藝苑疊填簾之協奏宣黼黻之奇葩者哉粵我五嶽黃子秀稟上靈業成獨步負沉鬱之思拓奧衍之才用能包并百家馳驟千古氣同子建而文藻蔚

西湖遊詠後序

一

敷博如張衡而縱覈確緻抗浮雲之志茂朱輪之外榮考飛遞之貞敦白華之純孝是以海內推轂人倫仰鏡求之素流矍然罕伍矣伊子蹇劣寔取因宗傾蓋披顏片言莫逆昔叔向聆聲而攬袂李邕識面而論交古今人情信乎揆一迺黃子渙遠遊之興寓眷西湖鄙子洽競爽之心主供東道千里命駕嵇呂之願無違嗣月交驩雷陳之好益固況乎節開獻歲景淑蘭春山麗日而揚輝水泮澌而增潤外物呈美中懷有融逸韻格于丹青遺思育于玄夜窮觀極討勝地咸周命札操觚綺音胥答緬昔康樂石門之詠恨

乏賡歌右軍蘭亭之禊賞纔窮日豈如茲遊之樂既  
久且諧善乎靈運有言道可重故物爲輕理宜存故  
事斯忘夫道重篤詩書之好物輕齊榮辱之分理存  
陶性命之和事忘釋身世之累斯則賢達之本衷高  
明之朗鑒也自非行輩疇與評量總凡所得五言古  
詩若干首緝次右方近體雜篇哀爲別集庶使規鈿  
不泯風致各得云爾嘉靖戊戌春三月三日

西湖遊詠後序

西湖遊詠後序

二

護國寺元人  
諸天畫像讚

錢塘王元林書眉

光緒乙未夏月  
泉唐丁氏刊行

護國寺元人諸天畫像讚

明義烏傅巖野侑讚

梵天王

案卽娑婆界主號令獨尊大梵天王

大梵王冠綬衣履如古帝右執爐作蓮心受炷

方柄下折左拈栴檀所謂娑婆世界主者也雙

鬢二身首珠纓露臂足捧合及瓶花

劫始先生爲佛警蹕娑婆下帥輔康上騰動念有情

梵子在膝火定脩悟界高兜率栴檀親炷威儀靜吉

離欲初禪近法第一

傅巖敬題

以下皆同

梵天王梵語具云梵覽摩華言離欲又云清淨謂

諸天像讚

此天王身心妙圓威儀不缺清淨禁戒加以明悟

統領梵眾卽法華經稱娑婆世界主尸棄大梵王

大千世界者也

梵語娑婆華言能忍梵語尸棄華言頂髻又云火繇脩火定而悟道

也崇禎甲申春仲錢塘傅齡文薰沐敬書

案齡文卽野情

先生長子入藉錢塘爲諸生

弟子謝彬齋沐稽首謹識祈天福攸如延允茂至

能仁濟拔七鬘獲歸并題

彬字文候上虞人家於杭以工畫著

帝釋天

案卽地居世主切利中王帝釋尊天

釋提桓因寶髻瓔珞合掌服如王者覆以袈裟

好女雙髻持數珠筭者以吧束髻拱立

囓孟傳偈實主忉利以斯因緣壞色標幟乃主維髮  
槌珠弄器王逢道署上帝儒字汝脩宰堵同三十二  
永偕大梵嚴衛佛次

帝釋天王帝卽天帝釋梵語具云釋提桓因華言

王能天主言帝釋者華梵兼稱也此天居須彌山頂

卽忉利天主也謂此天往昔因中迦葉佛滅時有

一女人發心修塔復有三十二人助修繇是功德

女爲忉利天主其助修者皆作輔臣合稱爲三十

三天也

梵語須彌華言妙高梵語忉利華言三十三梵語迦葉華言飲光

崇禎歲

次甲申春王錢塘葛邦熙爲母謝氏祈壽康祿茂

諸天像讚

二

慈護永綿謹題

案所鈴章字素先

毗沙門天王

案卽北方護世大藥叉主多聞天王

北水精唾鞞沙門天王額戴寶珞獠目披甲擎

舍利塔項有青光藥叉朱鬣張口頭垂鬪髻執

如斗阜旆胡人侍立烏爪蒙貂髯面

王須彌如福德普聞掌中金色古佛是墳勇健無量

能爲之君英儲應僉安西著勳晶唾隱日寶戈出雲

天驕擢服繫組曷云

毗沙門梵語也華言多聞謂此天福德之名聞於

四方卽北方天王居須彌山半第四層之北水精



埤統領無量萬千藥叉守護北方也梵語藥叉又云夜叉華言

勇崇禎甲申年夏仲吉旦新安弟子吳之敦薰沐

敬書祈百事如意者案鈴印字商隱

聖法弟子傅崑稽首和南謹識伏願同登善根天

福所蔭多聞流行永永無盡案鈴印字子玉

提頭賴吒天王案即東方護世乾達婆主持國天王

東黃金埤提都羅咤天王赤光露髻額瑠而髻

右提劍左攬衣袂披甲僮露髮仰鼻捧劍室力

士捉械

黃金如土國甯不治統攝香陰聽樂而持劍忒脫匣

諸天像讚

三

顛熱永離四皆可畏王獨多髭天根磨牙取以飾椎

特稱擁護金輪所資

提頭賴吒梵語也華言持國謂此天能護國土即

東方天王居須彌山半第四層之東黃金埤領乾

闍婆富單那等守護東方也梵語乾闍婆華言香陰即帝釋之樂神也

梵語富單那華言主熱病鬼崇禎甲申中秋弟子鄧維垣捐工

助袞伏願慈闈永護福祿無疆薰沐并書

弟子樊維嶽齋沐稽首謹識祈願慈親暮景康強

以洎妻孥眷屬福善攸同永遠無盡者

毗留勒叉天王案即南方護世鳩槃荼主增長天王

南瑠璃唾留離天王赤光臂弓握二矢被甲起  
胄後覆介者蒙多首按劍其一阜巾簪安石榴  
花負韞

青寶南色王地同名瑠弧挂鞞鷲羽未鳴善根難長  
魔事易成心手熟調巧便自生威德熾盛穢屏魅清  
領光颺動指印霞頰

梵語毗留勒义華言增長謂此天能令自他威德

善根悉皆增長卽南方天王居須彌山半第四層

之南瑠璃唾領鳩槃茶等無量百千鬼神守護南

方也梵語瑠璃華言青色寶梵語鳩槃茶華言甕形卽壓魅鬼也宏光乙酉歲

諸天像讚

四

仲春望日書於靈鷲山房弟子項士昌薰沐敬書

毗留博义天王

案卽西方護世大龍王主廣目天王

西白銀唾毘留波义天王赤光額瓔露髻橫鉞

交指上拱類韋馱目倍諸王披甲鬼皆虎眉一

髻鬪體一龍角執鎚佩劍以侍

羣龍婉婉遊戲銀塊主者爲誰種種妙響誑戲不作  
眼舌俱廣珠珞千萬醒驪供養主忘匪目實繇忘想  
黃鉞平臆斷自心上

梵語毘留博义華言雜語謂此天能作種種語言

故又云廣目以其目廣大故卽西方天王居須彌

山半第四層之西白銀埵領毗舍闍鬼等無量百  
千諸龍守護西方也梵語毘舍闍鬼崇禎十有七

年歲在闕逢涸灘白藏之月慧業弟子葛邦畿合

掌敬為母李氏目疾樂見照明蒙佛金鏡絲遠具

慶云謹題

金剛密迹

案卽親伏怨魔誓為力士金剛密迹尊天

金剛密迹貌甚猶生露鬢禮跣提杵身首瓔珞

最繁一袍帶者雙手捧卷如文字髮垂冠外一

侍者眉髮如珠燕香低嗅以手覆盥

願護千兄寶杵不碎倨怒猶鬻秘密耽愛法中禦侮

諸天像讚

五

不煩衿佩佛譜微密似堪紀載可一可二幻門必判  
樓主化身勿辯其昧

金剛密迹天手執金剛寶杵識達如來一切秘密

事迹也往昔有王生千生有三子千兄同詣佛所

發心修道而二弟不知一弟發願若干兄成道我

則為魔惱害之一弟發願我為力士護千兄法卽

金剛也領五百藥叉神皆是大菩薩等居妙高峯

於賢劫千佛中俱護其法也

劫梵語具云劫波華言分別時節賢劫名

賢人故也

崇禎甲申年臘月八日弟子陳錫九

法名淨新敬述

案鈴印字晴雲

摩醯首羅

案即特尊之主居色頂天摩醯首羅尊天

摩醯首羅散髮小鬘三目多臂合掌及弓矢繩

戈火輪鬼以錦蒙髮虎文行纏肩劍一雙角垂

鬣額出小首負弓衣

惟帝威靈得大自在普潤大千滴數雨濺居十住天

巍姿雄態面具三伊秘藏往貸主饒目臂幻首隸戴

莫炫五兵儷指承誨

摩醯首羅梵語也華言大自在又繙威靈或云三

目故為三界尊極之主輔行記云生色界天三目

八臂騎白牛執白拂有大威力居菩薩住處能知

諸天像讚

大千世界雨滴之數統攝大千世界於色界中此

天獨尊也

三界者欲界色界無色界也

崇禎甲申年仲夏吉日

錢塘弟子戴士彥薰沐敬書

案鈴印字儺公

祈保續生福業轉瞬隨喜善根永遠如願弟子陳

鴻儒稽首敬識

散脂修摩

案即二十八部統領鬼神散脂大將尊天

散脂修摩施鬣揚髮貌如摩醯而二目作二臂

合掌形甲而屨從者紅巾捧黃色襪一陋劣雙

髻肩劍

鬼母所誕健提多力八臂不施飯依佛勅鬣無冠容

履有跣色寶印善升慧鋒忘殛二十八部除衰惱惑  
天大將軍三密是職

散脂大將散脂梵語具云散脂修摩華言密陀羅  
尼集云鬼子母有三男長名唯奢文次名散脂大  
將次小名摩尼跋陀能於十方世界覆護一切眾  
生爲除衰惱等患嘗地居或空居各有五百眷屬  
領二十八部鬼神隨是經典所流通處與諸鬼神  
往至彼所隨逐擁護說法者密消諸惡令得安隱  
仍以身口意三密而加被之謂眾味精氣從毛孔  
入此身密加被也莊嚴言辭辯不斷絕此口密加

諸天像讚

七

被也人進勇銳等此意密加被也至令聞者受人  
天樂疾得菩提其於賞善罰惡功亦大矣崇禎歲  
次甲申上元錢塘葛邦熙祈保祿崇名達嗣繁家

慶齋沐拜書

案鈴印  
字華樵

大辯才

案即能與總持大智  
慧聚大辯才尊天

大辯才莊嚴嚴相花冠瓔珞八臂持杵斧矛繩  
蒲挑鐵輪臂弓合掌執矢跣傍有蹲虎仰獅侍  
者種種而盛飾以器貯花在掌

案此係摩利支天  
之像讚與證語俱

說

慧不住福如來能爾應食智報天胡不喜如是享受

才辯雙美諸佛歡供佛法廣被相表器表猛迅弭耳  
我憶維摩無滯退擬

謂得大智慧功德成就大辯才也此天或居山巖

深險處或在坎窟大樹叢林在處常翹一足入臂

莊嚴常持弓箭刀稍長杵鐵輪帝釋諸天常加供

養讚歎具無礙辯於一切時常自護世濟物利生

流通佛法無所怠倦以慧資福故光明會上列之

在功德天之前也崇禎甲申臘月華川傅齡熙齋

沐敬書案齡熙係野倩先生幼子字長穆

緣成善果歡百子來爰我同人情堪藹藹伏願光

諸天像讚

明筵上憑香華之永新本願因中證福田而長往

謹識

陸慧 傅照臨 朱 駟 項用順

項應璩 項用君 項用忠 范維孝

戴璋 周耀閏 祝廷 鄭大仕

大功德天 案即隨其所求令得成就大功德尊天

功德花冠瓔珞相貌殊勝左掌赤珠右手如接  
引侍女一雙鬢絡頂珍寶盈槃一貴飾握明鏡

長繫縷

宿昔善根得殊勝相鬘蔽富儀幢圓勒餉寶足恣供  
樂法休暢福極慧圓如鏡取狀布施不窮萬億珍藏

多財而智優容足尙

此天涅槃經及陀羅尼集名功德天金光明經散  
脂品名第一威德成就眾事大功德天於過去金  
山照明如來所種諸善根故感福報相貌殊勝能  
令眾生福德成就常居最勝園名曰金幢若說法  
者隨其所須供給無乏以福資集成出世因則果  
滿二嚴依正殊勝也

二嚴卽福慧二種莊嚴也依報卽國土正報卽色身也

崇禎甲申獻春寶婺姜紹先齋沐謹識願百事維

新康甯家室云

案鈴卽字啟肩

韋天將軍

案卽殷憂四部外護三洲韋馱天將尊天

諸天像讚

九

韋琨將軍腕杵合掌介冑哲豐不髭天軍白澤  
兜鍪鬼以鬪醜抹額捧匱函而發光

護閻弗營鬱單亦倚桓桓將軍量眞行美彼三十一  
四王距起介士不拜進與天齒棄爾樂育而承佛旨  
慧杵似發伽藍永恃

韋天將軍韋梵語云韋馱華言智論靈威要略曰  
天神姓韋諱琨卽南方天王八將之一臣也四王  
合三十二將此其爲首生知聰慧早離塵欲清淨  
梵行修童眞業不受天欲面受佛屬外護佛法統  
護三洲利物宏化大濟羣生故凡建伽藍皆設像

崇敬以彰護法之功也

三洲者南瞻部洲東弗于逮西瞿耶泥也伽藍梵語

具云僧伽藍華言眾國即佛寺也

崇禎甲申秋初邑人傅齡發書

男徽遠

祈智慧無量疾永除者案齡發係野倩先生次子字長

合

堅固地神

案即增長出生證明功德堅牢地神尊天

堅固地神珠鬘作女相帔佩合掌侍女一衣履

槃盛珊瑚一垂鬘露肘而跣持曲柄斗

皇地堅持隱形承足方輿聞法胥遂迺欲皮珍濟物

吐食利俗瓊樹苗抽琳斗種續象服如河飛珠鳴玉

宛爾坤維居然乾躅

諸天像讚

十

堅固地神堅固者理體不壞如金剛王無能破也

地者謂其利世之功如大地持載萬物出生草木

百穀珍寶也此天隨是經典流布之處常作衛護

隱形法座頂戴說法者之閒足令聞法者如服甘

露增益身力地藏經佛告地神云閻浮土地悉蒙

汝護凡地所生皆悉豐足利養一切護佛教法於

世出世其功大矣

閻浮梵語具云閻浮提華言勝金洲

崇禎十七年

首春五日弟子施有仁薰沐敬書祈求諸事吉祥

如意者

菩提樹神

案即覺場垂蔭因果互嚴菩提樹神尊天



菩提樹神冠帔施雜綵花合掌女地神眉無鈿  
珠侍女小異而皆嚴飾一捧盆樹

道樹蔥蒨覆佛最久好女花鬢服侷妃后宏願微妙  
福蔭希友我聞植物皆有神守未若鉢羅涅槃不朽  
寄下一宿旃幪之戴

梵語菩提華言道謂繇此神嘗守護如來成道處  
菩提之樹因以主名宿世因中自云我嘗念佛樂  
見世尊嘗作誓願不離佛日是知大權示迹微妙  
難思覆蔭羣生現身利益故諸經讚護功德不可  
量也宏光乙酉歲仲江上傅齡發

諸天像讚

十一

鬼子母

案卽生諸鬼王保護  
男女鬼子母尊天

鬼子母鬢起合掌袖中回顧其子訶利帝訶利  
帝手宜男花保母盛飾髻外向抱兒一鬼鳥  
喙秃作二髻背如蝙蝠捧桃實以獻

魔種在抱千界已血五分應津萬力難揭啖嬰衛穉  
轉念一呷因愛入道河流可揭千鬼燒天依戒俱滅  
瑤果宜男居然華說

鬼子母天所生子最小名愛奴極所憐惜常食  
人子佛爲化彼將愛奴藏之鉢下其母於天上人  
間覓之不得旣飯伏已佛遂揭鉢還之其千子皆

爲鬼王統數萬鬼眾五百在上常燒亂諸天五百  
在世閒常燒國界人民佛爲授五戒歸依正法得  
須陀洹住佛精舍凡人家無子息者求之得子有  
疾病者禱之則安故爲鬼王母由受佛戒亦呼千  
子同依佛所不惱天人也五戒者不殺不盜不邪淫不妄語不飲酒也梵

語須陀洹華言入流卽初地也

崇禎癸未年秋八月吉旦古婺朱

鈺薰沐拜手書於武林之梵天講寺

案鈴印字乾若

摩利支天

案卽行日月前救兵戈難摩利支尊天

摩利支天華鬘瓔珞額珠合掌莊嚴侍女二人  
皆以杷撮髻垂珠姣好一握孔雀尾扇上有日

諸天像讚

七

月形一捧器中有牛頭梅檀出寶燄

案此係大辯才之像

讚及證語俱誤

佛言陽燄虛有飛電云何立號思議難見嚴飾先步  
蟾烏激箭塗香愈創脩羅革面災阨欲祥流離厭戰  
須假天力一揮寶扇

梵語摩利支華言陽燄以其形相不可見不可執  
如彼陽燄也此天常行日月之前護國護民救兵  
戈難大摩利支天經中有最上眞言曰唵摩利支  
婆縛賀若人持此眞言無不感應其不思議神力  
誠可憑依也時宏光乙酉仲春望後一日弟子頂

士昌薰沐書於靈鷲山房

案鈔印字台符

蘇利耶

案即百明利生干光破暗日宮太陽尊天

蘇利耶冠服約類大梵合掌美鬚侍女盛妝執

長柄烏髮錦囊一寶器如餅有梁

夕車彭彭周妙高山施威樂福得生其閒炎曦焦灼

不怖不還離中清涼城殿廣閒烏羽葺簷熱惱以酬

破闇熟物大哉明圖

謂此天宿因持戒脩善奉佛得生其中其宮殿城

郭皆百寶所成五風運持不令停住環繞須彌山

半照四大洲所謂南閻浮提日正中東弗于逮日

諸天像讚

三

始沒西瞿耶尼日初出北鬱單越當夜半是為一

日照四天下除冥破闇成熟萬物其功實大法華

經中名寶光天子即此天也立風者持風住風隨

將行風也梵語弗于逮華言勝梵語羅迦風

耶尼華言牛貨梵語鬱單越華言勝處崇禎癸未

蘇摩

案即星主宿主清涼照夜月宮太陰尊天

蘇摩服皆如日神冠面有娑羅樹兔形相類梵

釋合掌侍女妝亦似日而一跣持高幢一捧黃

襪做散脂

同脩天福涼煖各異五風雙持百寶兩置晦魄映曦

圓靈燭地誠掌脩羅寄輪明眎勞煩夜滋未除宣示  
功次赫暘下土拜賜

此天宿因所脩所證與日宮天子同故生其中其  
來宮殿百寶所成五風運持不令停住環繞須彌山  
大半照四大洲其圓缺者白月初日在前黑月初日  
在後因日影覆射故有圓缺所謂近日自影覆故

見月輪缺然月光陰滋萬物夜發光明功次於日  
法華經云明月天子是也

白月初者上半月初也  
黑月初者下半月初也

崇禎歲次甲申玄英之月錢塘朱維城齋盟謹書

案鈐印字虎  
臣又字佩蘭

諸天像讚

十四

娑竭羅龍王

案卽秘藏法寶主教  
羣龍娑竭羅王尊天

娑竭羅龍王服小異日月宮天子冠面作蓮花

承殿形而三綴寶珠秉圭貌類蘇利耶微毅龍

女手珠有光戲龍魚使身首蒙鯨皮以帛交纏

脛持七寶槃

大權愈力沛然洪霖四因靡墮金翅非懼媚媚掌珠  
求汝不皮又大鹹中威莊汝素雲軫未聆世亦甘澍  
寶宮峩峩波底天路

梵語娑竭羅華言鹹海又繡龍王卽鹹海中一百

四十七龍王第七龍王也今獨列此龍王者謂是

大權菩薩居于地之中示現龍身處於鹹海若降時雨先布密雲端坐舉念其雨普洽常隨佛會護法護民其利甚博所居宮殿七寶嚴飾與天無異

十地者歡喜地離垢地發光地照慧地難勝地現前地遠行地不動地善慧地法雲地七寶者金銀琉璃玻璃赤真珠也

崇禎甲申冬日童子錢祖呂法名

智惺

閻摩羅王

案即掌幽冥權為地獄主閻浮羅王尊天

閻魔羅王額瓔似廣目披甲壯偉拱立侍者卷髮金環以槃置鐸其大臣冠纓而手持合

毗沙獄拾遂成雙王現身忘趣饒益無方建國匪遠

諸天像讚

五

登是南疆金鐸振豸寶合供香火塗佛事寒冰福堂應見度者卽是慈航

梵語閻摩羅王華言雙王謂繇此王與妹皆作獄主故云雙兄治男事妹治女事故又云隻又云息諍謂止罪人諍故或云是菩薩爲利益眾生故變化所作正法念經載閻摩羅王爲人說偈云汝得人身不脩道如入寶山空手歸汝今自作還自受叫喚苦者欲何爲又十王經云閻王於未來世作佛號普王如來謂菩薩變化者良有以也 閻羅王一念之惡使總獄事自身受苦亦不可論閻羅

大王昔爲毘沙國王與維陀始王共戰兵力不如  
因立誓願願我後生爲地獄主治此罪人十八大  
臣及百萬眾皆悉同願毘沙王者今閻王是十八  
大臣今十八獄主是百萬之眾今牛頭 阿旁等  
是而此官屬悉隸地方毘沙門大天王長阿舍經  
云閻羅大王所住之處在閻浮提南金剛山內崇  
禎甲申臘月八日寶壽弟子吳之增法名淨端和

南寫

案鈴印  
字峻公

諸天像讚

六

元人諸天畫像題識

梵天王一 奉佛弟子龔文昌發心喜捨

帝釋天二 浙西道杭州路錢唐縣城南上隅龍江鄉居住奉佛善女人徐氏淑甯男龔四保發善心喜捨求大吉祥者

毗沙門天王三 題識同上

提頭賴吒天王四 題識同上

毗留勒叉天王五 奉佛女善人龔氏五娘同女龔氏奴奴發心喜捨

毗留博叉天王六 奉佛女善人徐氏淑甯發心喜捨

金剛密迹七 題識同上

摩醯首羅八 題識同上

諸天像讚

散脂大將九 題識同上

大辯才十 題識同上

大功德天十一 浙西道杭州路錢唐縣城南上隅龍江鄉居住奉佛女善人徐氏淑甯同夫龔文昌發心喜捨

章天將軍十二 題識同上

堅固地神十三 題識同上

菩提樹神十四 題識同上

鬼子母十五 奉佛女善人龔氏五娘女奴奴祈求早得還鄉吉祥者

摩利支天十六 浙西道杭州路錢唐縣城南上隅龍江鄉奉佛女善人徐氏淑甯發

心喜

捨

元人諸天畫像題識

蘇利耶十七 浙西道杭州路錢唐縣城南隅龍江鄉居住奉佛弟子龔文昌同妻徐氏

淑甯男四保發心喜捨求大吉祥者

蘇摩十八 題識同第五

娑竭羅龍王十九 題識同上

閻摩羅王二十 題識同十六

右絹本高三尺餘闊尺有五不書年代及畫者

姓氏惟于浙西道杭州路等語知爲元人所作

向藏杭城護國寺今歸小綠天庵六舟謹藏

自古列十六天像各有所主以其呵護之功也後增

日月及娑竭羅龍王閻摩羅王者謂日則破闇月則

諸天像讚 文

照夜龍則祕藏法寶閻摩則掌于幽冥故加此四天

通爲二十天也

此天像也

此天像也

此天像也

此天像也

此天像也

此天像也

此天像也

此天像也

此天像也



右元人所畫諸天像二十幀題識有浙西道杭州路  
錢唐龔文昌喜捨等字文昌事迹未詳中有願早還  
鄉之語疑宦遊他郡所繪既歸則捨諸近鄉之藍若  
者每幀明季重裝上下界以素縑傅野倩先生俱題  
贊語於上而下則同訂善因者各從釋典書諸天證  
語一則始於崇禎癸未畢於南都僭立之年考野倩  
先生字辛楣由義烏流寓武林遂占籍也晚舉崇禎  
七年甲戌進士授江南歙縣知縣有惠政與上官不  
合拂衣歸性嗜內典家有大梵樓貝夾縱橫昕夕焚  
香默坐有終老之志南都既立以禮部主事徵

江西

諸天像讚

跋

一

道監察  
御史

未涖仕南都失守時金華爲桑梓舊鄉與義

旅櫻城固守子齡文齡發齡熙俱侍軍中城破殉難  
齡熙年十四以身蔽父刃著於頤而死齡發中矢洞  
左腋殞絕復蘇見父弟皆枕藉血泥中大慟曰吾一  
家可謂無負國恩矣遂以手抉其創創裂而卒齡文  
先以事遣歸錢唐得免事平始得裹骨歸葬慈雲嶺  
之施家山錢唐縣志忠節旣爲立傳而復刪去西湖  
志南山路載其墓而不注事略金華詩錄存其詩而  
不言殉國皆有所諱之也此贊所題未及暮年父子  
盡湮碧血亦可悲也已野倩先生所著有花巢紀事

二十四卷及詩文集若干卷兵燹無傳僅此所題尙屬真蹟其不歸劫火者豈亦有佛力護持耶今春予友汪騎尉鐵樵得見於護國寺屬南屏六舟上人假歸予得敬瞻錄存贊語等并參攷義烏先賢傳及錢唐志齡文齡發二傳得其涯略然孤忠勁節之士志氣自不磨於天壤開原不藉文字以傳設好義者能將先生手蹟鉤摹樂石以存寺中則與搜刻張蒼水先生遺墨同爲不朽之盛事矣是有望於後之君子時

咸豐二年歲次壬子七夕後一日海昌管庭芬謹跋

諸天像讚跋

二

於靈竺山中之白雲精舍

我主豈異同爲不許不爲無家長百望然發之君子  
壽我老手起處嘉樂百以君若中阻與野險難蕪木  
兼自不釋氣玉難問思不替文字以贈翁我善書  
直志備文備類二難辨其孰孰然那思懼語文士  
詩毛詩詩韻詩詩寶韻詩詩並卷文善書我寶詩文  
文并辭賦體類詩風外難圖音韻南氣六底聖天  
鳳與龍其不歸劫火香豈衣寶戰火難洗眼今春  
二十四卷文詩文集若干卷兵燹無傳僅此所題尙

傅節愍公由歙令行取爲江西道監察御史事詳畿輔通志言事有忤當路拂衣言旋南都以禮部主事徵未仕而亾事詳吳慶伯所作傳然公學問優長著述繁富錢唐經籍志尙有乘檻草四卷黃山錄四卷其子齡文輯有花巢軼稿八卷則不僅花巢紀事一書爲公之專集矣此手題元人王永綬所畫諸天像二十贊非貫通全藏則不可秉筆字亦凝重得平原神髓余於護國寺主源靜假至南屏先屬芷湘茂才校錄其副實有所待也攷古來忠節之士每多寄情禪悅以爲明心見性之區非徒託空言籍資福報讀

諸天像讚跋

三

者當有所諒矣特恐涉世久遠并絹素盡亾則何以存公之墨妙於虞淵莫挽之時使玉碎崑山珠沈瀛海不更可悲夫擬募諸好義或勒貞珉或刊梨棗則當與中峯老人大士三十二贊竝留南山不僅金石增光益且佛門生色願隨心轉是有所厚望焉時咸豐二年歲在壬子小春朔日前南屏住山沙門六舟達受謹跋

謝未出而公事精吳興前退於嶺然公學問淵博

神敏志言事行當繼志而南嶺以甄時主事

同節愍公由滄合行取爲江西道監察御史事詳

護國寺有二一在棲霞嶺白沙泉旁宋淳祐間賜額  
一在城內西府局側門臨西河殿宇簡樸六公旣稱  
諸天畫像向藏杭城護國寺則寺當在西府局側矣  
舊有靜禪上人住其中余方外交也善相人術庚申  
春死寇難其物色畫像之汪鐵樵騎射年逾七秩亦  
殉節辛酉之冬題跋之子湘管明經因避難歿於海  
昌村落六舟開士劫前已示寂於白馬寺所蓄金石  
書畫悉先雲散海昌劫滅於杭是像或仗佛力拔  
出燹灰未可知也至題贊之傳節愍公偶耽禪悅終  
膺國難兩男死孝遺著飄零其女夫吳徵士農祥梧

諸天像讚 跋

四

園集有崎麗樓賦序云樓爲辛楣傅公之居乙酉之  
難公父子殉節於繡川此地沒爲浙江總督尙書之  
公署垂四十年會眞定梁公允植爲錢塘令而總督  
尙書則武定李公之芳梁公具以其事上尙書會尙  
書再以幣見徵余之尙書所言其故慨然曰審爾當  
還其家矧余奉命駐節三衢此卽空署耶遂從所  
請先以地基三之一歸傅氏矣未幾而里兒煽惑賈  
豎交通數蹈海之愚忠述吠堯之逆節不虞死後尙  
記生前而公之後嗣單寒穉孫愚弱無門控訴賣宅  
經營於是艾席葭牆蓬扉桑戶鞠爲瓦礫蕩作邱墟

矣此節愍厲杭之居址管明經所未及引證者也同  
治甲子正月竹舟兄得此帙於甬上汲綆書肆忽忽  
三十二年兄既歸道山余亦衰病日侵懼其久藏篋  
中徒飽蟬腹特爲板傳之匪僅傳畫像也實傳傅公  
之忠烈與鐵樵靜禪之節義子湘六舟之博雅耳倘  
諸天有靈真蹟載顯尙擬鈎摹樂石以圖不朽云光  
緒乙未閏端陽節丁丙識

諸天像讚

跋

五

諸天甘露其醴薄而奇味饒馨其味以圖示其云  
之忠烈與鐵樵靜禪之節義子湘六舟之博雅耳倘  
諸天有靈真蹟載顯尙擬鈎摹樂石以圖不朽云光  
緒乙未閏端陽節丁丙識

